

Athör ë rou cï Paulo gät kóc cï gam Thethalonika

Wet nom

Athör tueñ yic tēnē akut kóc cï gam Thethalonika, ěcï Paulo gōt lōn Raan cï lōc ku dōc abī ben dhuk pinyinhom. Kēnē ěcï kóc kōk liäp nhīim Thethalonika. Ku athörden yic tēnē kóc Thethalonika aya, Paulo ě jam lōn akōl bī Beny ben acī thiōk. Rin ě wet kēnē, kóc kōk aake cï kōōc ě luoi, ku rēerkē ě path ke tit ben Jethu raan cï lōc ku dōc. Ku Paulo ě wet kēnē cōk piny ku nyooth, lōn tueñ ke Raan cï lōc ku dōc kēc dhuk, ke raan cōl “Raan Rac” apei abī tuōl ku yeen abī yet nhial apei luoi kārec.

Ku Paulo atuny Jethu, ee kóc cï gam leec rin gamden looi kek luoi pīr akōlriēc ěbēn, cōk alōn rēer kek ke gum ke liēp kenhīim ěmēn. Aaye dēet puōth bīk kōōc ě cōk ku buōthkē teden yen luui thīn yic, ku lek tueñ ke loi kāpath.

Käk tō thīn

Muōth tueñ 1:1-2

Paulo adeet kóc cï gam puōth 1:3-12

Käk bī rōt dhiel looi ke Jethu kēc dhuk 2:1-12

Kóc cï gam aa dhil kōōc ě cōk 2:13-17

Rōōkkē rienkua 3:1-5

Kóc aa dhil luui 3:6-15

Muōth ciēn 3:16-18

1 ¹ Yen Paulo ku Thilath ku jōl a Timothī aa yok cï we tuōc athör wek akut kóc cï gam gen Thethalonika, ku yakē kóc Nhialic Wāda ku Bānyda Jethu Krītho.

² Bī Nhialic Wāda ku jōl a Bānyda Jethu Krītho we yiēk dhēēñ ku dōōr.

Paulo adeet kóc cï gam puōth

³ Miethakāi yok aa Nhialic dhiel leec akōlakōl ě rienkun. Ku ě yic buk looi kēya, rin gamdun ě rot juak akōlakōl ku nhiēr kamkun ě rot juak aya. ⁴ Ku ě yen rin ye yok jam ke yo nhiam ě rienkun akuut kóc cï gam nhīim. Yok aa nhiam wet rēer wek ke we gum ku gamkē wet Nhialic, cōk alōn ye wek rēer ke we jōr.

⁵ Ku Nhialic acī jōōr kēnē looi bī yen te le yen cōk thīn nyuōōth. Rin abī we looi bāk aa kóc bī mat bāānyde yic, rin bāānyde yen aguum wek. ⁶ Ku Nhialic abī kē la cōk looi, rin abī kóc kek we jōōr cōl aa gum aya.

⁷ Ku yen abī kāk gumku nyaai tēnē yo ku wek kóc gum ěmēn, ku lok ten lōñ yodhie. Kēnē abī rot looi te le Beny Jethu ben piny nhial kek riēdīt apei kek atuucken nhial. ⁸ Tē bī Jethu, mac abī dēp, ku kóc cï jai wet Nhialic abī tem awuōc, kek kóc cï jai bīk cīi pīr Wet Puōth Yam ě Jethu Bānyda. ⁹ Keek aabī tem awuōc bī kek gum akōlriēc ěbēn, ku keek aabī gel wei tēnē Bānyda Jethu, ku kākken dīt puōth bī ya kāk kóc gōi, yiic. ¹⁰ Tē bī yen akōldā, ke yeen abī gām aleēdīt apei rin kē cī looi rin kacke. Ku kóc cï gam aabī gāi ku dorkē rin riel tō kek ye.

¹¹ Ku ě yen kē ye yok rōōk akōlakōl rienkun. Yok aa Nhialicda thiēc bī we bēei pīr cī yen we caal thīn yic, ku bī we tīñ ke leukē bāk met ě pīr kēnē yic. Nhialic abī we yiēk riel ku bāk kāpuōth wieckē bāk ke looi, aa looi. Ku bāk kāk wiēc bāk ke looi aa looi dhēl la cōk rin cī wek Jethu gam. ¹² Tē looi wek ě kēnē ke wek abī Bānyda Jethu cōl aye leec, ku abī we cōl aye theek. Kēnē abī rot looi rin dhēēñ Nhialicda ku Bānyda Jethu Krītho.

Käk bī rot dhiel looi ke Jethu kēc dhuk

2 ¹ Miethakāi, calkē rōt aa benku lek ben Bānyda Jethu Krītho, ku te bī yok yonhīim mat thīn ku rēerku kek ye. ² Duōkkē rōt cōl aa liēp nhīim ku riāākkē puōth wēl ye ke lueel lōn cī Bānyda Jethu ben. Tedē alēukē bīk lueel lōn cī Wēi Nhialic yo nyuōōth ě kēnē, tedē ayekē lueel lōn cī yok kēnē piōōc tēnē kóc, tedē lōn cī yok ye gōt ku tucku ke. ³ Duōkkē rōt cōl awēñ nyin kuat dhōl yiic ěbēn, rin akōl bī Bānyda ben aņoot, yet akōl bī kóc juēc keyiic jāl mat ku kueeckē wet Nhialic, ku Raan Rac, raan lōōñ dhōl yiic ěmēn abī tīc, raan ye pan mac kēde. ⁴ Yeen abī jai kuat kē ye door ěbēn, ku yeen abī rot tāāu tueñ kēriēc ěbēn nom ke ye door ke cīt

Nhialic. Abi rot yäth tuej ku dhel Nhialic ku rec käk ye Nhialic door ebën. Ku yeth rot nhial ku tæu rot ciel luañ Nhialic.

⁵ Cäk kakkä ye tak lon ci yen ke lek we wäär rëer yen ke we? ⁶ Ku emën anjeckë alanden yen kë gël Raan Rac, raan löön dhöl yiic bi cii bö. Ku yeen abi nyuöth te le tede ben. ⁷ Ku rielden ye kek kuc löön ebën alui piiny, ku yeen abi luui piiny këya yet te bi raan ye gël nyaai. ⁸ Teen ke Raan Rac, raan löön dhöl yiic ebën abi tic. Ku te le Jethu Bännya ben ka bi nöck aliir thok e path ku mer piny e ruelde. ⁹ Raan löön dhöl yiic abi ben ke riel jögrac. Ku abi käk cie yith ya looi, käk ruëeny ye te ye luoi ke koc göi. ¹⁰ Ku looi kuat käk ye ke koc ruëeny ebën tënë koc bi mää. Keek aabi mää rin ci kek kuc bik yic cii nhial rin bi ke luök. ¹¹ Ku aabi Nhialic looi bi ke ruëeny apeidit bi ya kë cie yic yen yekë gam e rot. ¹² Ku kë bi rot looi akin, kuat raan këc yic gam ku ye puöu miet luoi adumuööm yic, abi luök wei.

Koc ci gam aa dhil kööc e cök

¹³ Miethakäi, wek aa koc nhieer Beny. Yok aabi Nhialic aa leec e rienkun akölaköl rin wek aaci Nhialic lac bäk tö kam koc tuej bi kañ luök yiic. Wek aaye luök dhël Wëi Nhialic we looi bäk aa koc path, ku rin ye wek wet yic gam. ¹⁴ Nhialic aci we cöl e dhël Wet Puöth Yam yen yeku lek we. Yeen aci we cöl ku bäk diik Bännya Jethu Kritho rom kek ye. ¹⁵ Këya, miethakäi duökkë wenhiim war, lak tuej ke we muk yic cuk piöc tënë we wäär rëer yok ke we, tedë ke cuk göt athör cuk tuöc we yic.

¹⁶ Nhialic Wäda anhiar yo, ku e yo nyuöth lier piände. Ku e yen cii yen ye kööc deet yen yo deet puöth, ku col anjicku lon bi yok la pan Nhialic. Yok aa röök bi Nhialic kek Bännya nom, Jethu Kritho, ¹⁷ week deet puöth ku gem we riel bi wek aa luui kápath. Ku leukë bäk kápath aa lueel akölaköl.

Röökkë rienkua

3 ¹ Emën, te jol wetdie wiik, wek aa yöök miethakäi bäk röök rienkua, rin bi wet Bännya lac thiëi piny ke dieckde cimën ci yen rot looi këya kamkun. ² Röökkë aya bi Nhialic yo kony tënë koc rec, rin acie raan ebën yen wet gam. ³ Ku Beny e kë ye lueel tieej nom, ku abi we deet puöth ku abi jögrac gël bi cien këræec lui we. ⁴ Ku Beny yen e ye col anjicku alanden lon looi wek kë yeku lek we, ku lon bi wek la tuej ke luöikë këya. ⁵ Yen e röök bi Beny we col anjic nhieer Nhialic apeidit. Ku yik we riel puöu cimën riel piände yen Kritho.

Koc aa dhil luui

⁶ Miethakäi, wek aa lëkku riel ci Bännya Jethu Kritho gam yo bäk röt meec wei tënë miethakäi aa dak röt cie luui, cie käk cuk lek ke ye looi. ⁷ Week anjeckë yen te dhil wek yo kieet thin, rin yok aa yo cie röt e dak wäär rëer yok ke e tök. ⁸ Acin kënë raan cuk kañ lööm ke këcku yöc, yok aa yo ye luui aköl ku wæer, ee rin bi cien raan kamkun tæu këde piny bi yen yo kony. ⁹ Kënë acuk looi, ku acie lon cin yok yic buk we thiëc e miëth. Yok aaci luui, rin bäk yo kieet bäk pir cimënda aya. ¹⁰ Acuk lek we wäär rëer yok ke e tök, “Na ye raan kuc bi cii lui ke duökkë gem këcam.”

¹¹ Yok aa gät athör kënë rin ayeku piñ emën lon rëer koc aa dak röt cie luui kamkun, koc cie kækken ye looi, koc rëer ke ciik röt käk koc kök yiic. ¹² Yok aa lëk köckä riel Bännya Jethu Kritho bik pir pir path, ku yekë luui bik röt muk kækken. ¹³ Ku week, miethakäi duökkë dhör luoi kápath.

¹⁴ Na le raan kuc bi wet ca göt athör kënë yic cii gam, ke muökkë nom ku yakë göör, ee rin bi njic lon yen këræc yen looi. ¹⁵ Ku duökkë ye ciëej cimën raan la ater ke we, luöikë cimën menhkui dun wieckë bi kañ njic.

Muöth ciëen

¹⁶ Bi Beny nom guöp, raan yo gam döör we yiëk döör, kuat këriëc ebën yic akölaköl. Ku rëer ke we ebën.

¹⁷ Yen Paulo, yen agät e muöth kënë e ciëndie, kënë yen e te ye yen rienkie gät thin athör ya göt ebën cök, kënë yen e te ye yen ye gät thin.

¹⁸ Bi dhëej Bännya Jethu Kritho rëer kek we.